

Maria Antonietta Caronia Alberti, *La memoria dei luoghi – Santa Brigida e il convento di Scala Coeli a Genova, Internòs, Chiàvari 2013, pagg. 240*

L'atatrice de questo libro a l'é visciùta in Santa Brigida da-o 1999 a-o 2011, quande a l'é mancà, e inte quelli anni a s'é apascionà a-a stòia do quartè e a l'à fæto ben ben de riçerche inti archivi e asci in sce o pòsto, con l'aggiutto da gente ch'a stàva de casa d'òve 'na vòtta gh'èa l'antígo convento de móneghe e de fratti.

No séndoghe ciù lè, a figgia e tutti quèlli ch'àivan partecipòu a-e riçerche no àn vosciùo che tanto travaggio o l'andesse pèrso e coscì àn misso insémme i apònti che a l'àiva lasciòu e l'é vegnùo fèua questo libro.

Gh'é tantiscime notiçie in sce-a vitta de Santa Brigida e in sce-a stòia do convènto, ligà a quella de Zèna da-o 1400 a-o 1660, e gh'é asci tante coioxità e fotografie rare.



Guido Ferretti, *Le antiche mulattiere – vie di carovane commerci e saperi, 2012, pagg. 172*

Guido Ferretti e Giorgio Petracco, *Toponomastica di Fontanigorda, Istituto Internazionale di Studi Liguri Sezione di Genova, 2012, pagg. 154*

O Goïdo Ferretti o l'é de Fontanigorda ma o l'é vegnùo a Zèna da zuèno e inta vitta o l'à fæto tutt'âtro. Zà in etè o l'à conscideròu che e stradde che pe sécoli àn unìo a còsta a l'introtæra stâvan sconparindo, no pasàndoghe ciù nisciùn, e coscì o l'à descrìte inte 'n interesantiscimo libro pe sarvâne armèno a memòia, con descriçioìn precìse, cartinn-e, fotografie, che fàn capì asci comme a l'èa dùa a vitta di muatè.

O segòndo libro o l'é tutto dedicòu o a-o pàize de Fontanigorda co-e sò fraçioìn: gh'é a stòia e a descriçion do teritòio, e poi tutti i nómmi dæti a-i pòsti, ch'én tantiscimi, perché ogni tochètto de tæra o dovèiva avèi o sò "indirrisso". Òua che tanti terén e tanti bòschi én abandonæ, i sò nómmi no se l'aregòrda ciù nisciùn: ancón d'asæ che



Elsa Pastorino Alloisio, *A noxe, l'amàndoa e a nisseua – Fiabe genovesi, Le Mani, Recco (GE) 2000, pagg. 64*

Questa scignòla, ch'a s'é missa a scrìve a setant'anni (a n'èa ciù de novanta), a l'é sòccia e grande amìga da Compagna e a l'à senpre regalòu 'na còpia di seu libbrì a-a nòstra bibliotèca: no se sà còmmè mai, ne mancàva questo e a ne l'à dæto òua.

Èn e fòe che ghe contàvan quand'a l'èa figètta, s'asoméggian a-e fòe de tutto o mondo ma én scrìte in zeneize e pàrlan de còse che conoscémmo ben, perché da-i ténpi én stæte adataæ a-a nòstra coltùta e a-a nòstra tæra.

Èn divìse in fòe de magìa, fòe che pàrlan de zovenètte, de eròi picin picin, de poìa, de aspèrti e de belinoìn, de béstie: inte tutte gh'é 'na moràle e l'é senpre bèllo rilèzile e contàle ai figue, che lò asci no se stùfan mai de sentìle.

